

清鑑

中華民國二十六年一月
初版

仿古
字版

清

鑑 (全一冊)

實價國幣一元

(外埠酌加運費匯費)

版權所有
不准翻印

出版者

國學整理社

發行者

陸高誼
世界書局有限公司代表人

印刷者

上海大連灣路
世界書局

發行所

上海及各省

世界書局

凡例

- 一本書依照袁王綱鑑體例。以年爲經。以事爲緯。分別綱目。互相係屬。讀者得按年以考事。循綱以卽目。
- 一本書斷自太祖開國。迄於宣統退位。凡二百六十九年。於世代之興衰。政治之得失。疆域之擴張。制度之沿革。經濟之變遷。胥詳焉。
- 一本書於明末清初之際。用一年兩系之例。兩朝並舉。藉收對照連絡之效。
- 一綱目命官。惟書宰臣。餘非有故不書。今凡有關政教之大者。雖卑官小職。亦用特書之。例以書之。
- 一鴉片戰爭以後。東西之交通頻繁。我國屢受不平等條約之束縛。關係於現在之國勢者甚大。故所載尤詳焉。
- 一本書參考。除官書外。私家著述。可資徵信者。亦多採入。
- 一本書間附論評。卽野史之可資參證者。亦列焉。
- 一本書地名。概注最近名稱。俾便參核。
- 一本書經一再訂正。與前本頗多增刪。惟史事繁蹟。疏漏舛誤之處。在所不免。所望鴻碩。匡而正之。

清鑑綱目目次

卷首

滿洲開國紀要……………一

太祖高皇帝……………二

太宗文皇帝……………一〇

卷一

世祖章皇帝（順治）……………一九

卷二

聖祖仁皇帝（康熙）……………一五一

卷三

世宗憲皇帝（雍正）……………二六九

卷四

高宗純皇帝（乾隆）……………三一九

卷五

仁宗睿皇帝（嘉慶）……………四一七

卷六

宣宗成皇帝（道光）……………四六三

卷七

文宗顯皇帝(咸豐).....	五〇三
----------------	-----

穆宗毅皇帝(同治).....	五六三
----------------	-----

德宗景皇帝(光緒).....	六一九
----------------	-----

宣統帝.....	七九七
----------	-----

清代帝系表.....	八五四
------------	-----

清鑑綱目卷首

滿洲開國紀要

清之先世爲滿洲。居於長白山之東。蓋古女真國。即金。遺種也。自蒙古滅金後。通古斯族勢日就衰。相傳有布庫里雍順者。以愛新覺羅爲姓。始居吉林北境。俄莫惠之野。鄂多里城。建國曰滿洲。是爲清朝開國之始祖。按其時。當在金之末造。由布庫里雍順數傳而後。國內大亂。舉族被戕。幼子范察。僅以身免。又數傳至都督孟特穆。即肇祖原皇帝。誘誘仇人。恢復故地。時當明正統景泰之交。始徙居赫圖阿拉。是爲興京。距盛京二百七十里。即明之建州右衛也。孟特穆三傳至都督福滿。即興祖直皇帝。生覺昌安。即景祖翼皇帝。盡收蘇克素護河西二百里內諸部落。國勢始大。覺昌安生塔克世。即顯祖宣皇帝。塔克世生三子。長曰努爾哈赤。即太祖高皇帝也。

【附記】滿洲源流考曰。滿之先世。姓愛新覺羅氏。發祥於長白山。山高二百餘里。總互千日布爾湖。山上有潭。周八十里。鵲綠混同愛滿三江出焉。山之東曰布庫里山。下有他孕。產一男。及長。因命之曰。汝以愛新覺羅爲姓。布庫里雍順爲名。天生汝以定亂國。汝宜誌之。汝順流而往。即其地也。乘以小舸。順流下。至河濱登岸。折柳枝及蒿爲坐具。時其地有三姓。爭爲雄長。日構兵相仇殺。亂靡定。有取水河濱者。見而異之。歸以語衆。衆往觀。詰所自來。答曰。我天女所生。以定汝等之亂。且告以姓名。衆驚曰。比天生聖人也。交手爲昇。御至家。三姓者禮曰。我等盡思爭。推此人爲國主。以

女百里妻之。尊爲貝勒。其亂乃定。於是居長白山東。俄模惠之野。俄朵里城。國號滿洲。是爲國基之始。數世後。不畜撫其衆。國人叛。布庫里雍順之族。有幼子名范察者。遁於荒野。國人追之。會有神鵲。止其首。進者遙望鵲棲處。疑爲枯木。遂止。范察得不死。又數傳至肇祖原皇帝。名都督孟特穆。生有智勇。慨然以恢復爲志。誘殺先世仇人過牛。於是始居赫圖阿剌地。(卽今遼寧興京縣)生子二。長充善。次褚宴。充善子三。其三卽興祖直皇帝。名都督福滿。興祖生子六。其四卽景祖翼皇帝。六子各居一地。稱爲三古塔貝勒。景祖生子五。其四卽顯祖宣皇帝。名塔克世。時近地部落。名額色納者。特其強。侵陵諸路。景祖令長子禮敦征之。滅其族。盡收蘇克蘇興路長以阿哈納者。不許。而益強盛。後興祖名阿哈納者。欲聘薩克達路長之妹爲妻。薩克達路長以阿哈納者。不許。而嫁其妹於董鄂部主子。遂相仇怨。引兵攻掠賓古塔貝勒東南二路。賓古塔時分居十二處。乃謀合併。與祖孫吳泰者。敗其衆。遂分裂勢弱。而諸國紛亂互相雄長。時顯祖嫡妃喜塔喇氏。卽宣皇后。生三子。長卽太祖努爾哈赤也。太祖生而龍顏鳳目。偉軀大耳。天表玉立。聲若洪鐘。儀度威重。舉止非常。騎射軼倫。剛果能斷。凡所睹記。終身不忘。國人稱之曰聰明貝勒。明萬曆時。以尼堪外蘭陰構明兵。攻賓古塔諸部。景顯二祖被害。太祖乃奮志復仇。卒取遼東廣寧諸地。創立宏業。混一區宇之丕基。蓋肇於此。以上爲清代官書。記開國源流如是。語多荒誕。不足置信。姑附錄於此。

太祖高皇帝

名努爾哈赤。顯祖塔克世長子。在位四十有三年。初登可汗位。至明萬曆四十四年稱帝。建元天命。凡十有一年。崩。壽六十有八歲。

太祖努爾哈赤。生而英毅有武略。凡所睹記。終身不忘。國人稱之曰聰明貝勒。其事業可紀者凡六。首統一滿洲諸部。次征服扈倫諸部。次伐明。圍撫順。克清河堡。殲薩爾湖之師。遷都遼瀋。敘次如左。

一 統一滿洲諸部

滿洲凡六部。曰覺羅部。曰蘇克素護河部。曰渾河部。曰完顏部。曰董鄂部。曰哲陳部。努爾哈赤。爲愛新覺羅部長。覺羅部外。以蘇克素護河部爲最強。先是蘇克素護河部。有尼堪外蘭者。爲圖倫城主。頗效忠明室。陰與明總兵李成梁。合軍攻古喀城。其城主阿太章京之妻。

爲覺昌安之孫女。努爾哈

赤之從姊也。覺昌安聞古

時有難。恐孫女被獲。卽偕

其子塔克世。率兵往援。既

至。入城助守。而尼堪外蘭

給城民作亂。殺阿太。送款

於明。並擒覺昌安父子。誅

之。努爾哈赤時二十有五

歲矣。聞之大怒。誓志復仇。

先遣使詰明邊吏。明謝誤

殺罪。歸其祖與父之喪。賜

勅三十道。馬三十匹。封努

爾哈赤爲龍虎將軍。建州

左衛都督。努爾哈赤曰。害

我祖父者。尼堪外蘭也。當

先滅之。遂以萬曆十一年。

以其遺甲十三副。攻圖倫

城。尼堪外蘭退保甲版。又

滿洲初起時諸部表

衛		建		州		海		西		野		人	
部		滿		長		扈		倫		東		海	
名		州		白		輝		烏		渥		庫	
號		完		納		達		赫		集		喀	
今		蘇克素護河		珠舍哩		遼甯輝南縣地		遼甯東遼河流域		吉林省城		吉林延吉縣北境	
地		遼甯新賓		遼甯長白縣境		遼甯通化縣北		遼甯柳河縣境		遼甯新賓西北		遼甯古塔河流域	
		遼甯柳河縣境		遼甯柳河縣東		遼甯敦化縣西		遼甯新賓西北		遼甯新賓		遼甯古塔河流域	
		遼甯柳河縣境		遼甯柳河縣東		遼甯敦化縣西		遼甯新賓西北		遼甯新賓		遼甯古塔河流域	
		遼甯柳河縣境		遼甯柳河縣東		遼甯敦化縣西		遼甯新賓西北		遼甯新賓		遼甯古塔河流域	

滿洲
諸部

海西
四部

被迫走撫順。欲入明邊。明邊吏懼啓覺。逐之。遂逃鄂勒琿。築城居之。以中隔董鄂渾河諸部。追兵不能及。努爾哈赤遂改變行軍方略。用兵先自近部始。於是首攻蘇克素護河部之瓜爾佳城。次攻渾河部之貝琿城。皆陳部之託摩城。及董鄂部。皆克之。遂越諸部。進迫鄂勒琿。尼堪外蘭。復逃入明。努爾哈赤以執付仇人請。明邊吏執尼堪外蘭。送努爾哈赤軍斬之。並歲賜銀八百兩。蟒緞十五匹。開撫順清河寬甸。毀陽四口。爲通商所。冀以結其歡心。努爾哈赤復乘勝攻克完顏部。於是五部皆服。越四年。又征服長白山之鴨綠江部。兵威益振。駸駸然合大東而奄有之矣。

【附記】明初滅元。分關外地爲三衛。一曰建州衛。統滿洲大部。及長白山三部。一曰海西衛。統扈倫四部。一曰野人衛。統東海三部。皆在今遼寧吉林之間。其時明人疆圉。盡於今開原。鐵嶺。遼陽。瀋陽。海城。蓋平。諸地。其東北皆爲權力所不及。三衛之建。不過仿唐羈縻州之制。以略示羈縻而已。至神宗萬曆時。此三衛中。諸部互相雄長。扈倫在滿洲之北。其勢最強。及滿洲大部中。努爾哈赤。崛起於覺羅部。遂合併諸部。而建立爲一統之大帝國。以與明室相抗拒。

二 征服扈倫諸部

努爾哈赤之用兵也。先自近部始。其始攻克滿洲五部。繼乃北向。與扈倫諸國爭雄長。扈倫者。明之海西衛地也。海西四部。葉赫最強。爲塞外諸國盟主。及努爾哈赤統一滿洲。又收服鴨綠江部。盡有其衆。疆土日擴。葉赫會長納林布祿忌其強。乃遣使滿洲。以均勢之說。相要挾曰。扈倫四部。言語相通。勢同一國。今所有國土。爾多我寡。盍割

地與我。努爾哈赤不應。納林布祿乃糾合扈倫四部及蒙古之科爾沁。錫伯。卦勒察三部。長白山之珠舍哩。納殷二部。計共九國。聯軍來攻。衆凡三萬。分三路進兵。陣於渾河北岸。努爾哈赤聞聯軍大至。引兵至扎喀城。乘城觀之。謂諸將曰。烏合之衆。其心不一。殪其前鋒。必自退。因而乘之。蔑不勝矣。乃移軍疾馳二百里。至古喀山。據險而陣。發百騎挑戰。葉赫西城酋長布寨。科爾沁酋長明安。先衆突進。布寨馬觸木踏。努爾哈赤兵即斬之。乘勝長驅。明安陷淖。易馬遁。聯軍遂大潰。努爾哈赤逐北數十里。斬首四千級。諸部大震。先後屈服。納林布祿不得已納其女以和。此明萬曆十九年事也。未幾。葉赫復叛。與哈達同謀抗拒。努爾哈赤怒。乃發兵先擊哈達。克其城滅之。繼又滅烏拉輝發二部。又北略東海諸部。兵力益強。疆土大拓。萬曆四十四年正月朔。滿洲諸貝勒大臣奉表勸進。尊努爾哈赤爲覆育列國英明皇帝。立國號曰大金。建元天命。定都興京。

【附記】清之先。本出於金代女真部族。太祖努爾哈赤。初建國號曰大金。旋以別於前代等。言之甚詳。今奉天威寧城撫近門之扁額。尙有大金字樣。而清代官書。皆深諱之。其諱稱大金。實自太宗皇太極始。皇太極承太祖基業。復加開拓。其後疆域日廣。包有蒙古人。漢人。朝鮮人。及西藏人等。不止女真一族。且漢人對於金人。素多惡感。尤與招徠漢族非宜。因於即位後之第十年。改國號爲清。並將前比之文書部面書大金者。一律改爲滿洲。滿洲音近曼殊。本佛名號。意謂清之帝王。爲佛之化身耳。自此滿清一代三百餘年。官私文字。咸稱崇德以前爲滿洲。而大金及後金諸名稱。遂無可考見。最可怪者。清之部族。實爲女真。女真起於遼。後避遼興宗諱。改稱女直。歷金元皆稱女直。至明復舊稱爲女真。而清人自認滿洲爲其部族。不認女真。故修明史時。凡遇女真事。皆卷首 太祖高皇帝

削去之。尤奇者。字典注中。凡女字。眞字。直字下。皆無女眞女直等詞。韻府亦不收女眞女直詞。滿洲源流考。編詳東夷各部族。獨無女直專條。僅於文字中。一見女眞。唐歷世帝皇示人以不廣。故載筆之臣。常小廉曲謹。以媚一人。寧失史家之實。無犯溫樹之戒。可謂陋矣。

三 初次侵明之役

努爾哈赤既稱帝。於是製國書。創立滿洲文字。定旗制。初兼併諸國。分其衆爲四旗。以純色爲別。曰黃。曰紅。曰藍。曰白。至是又增設四旗。以雜色鑲之。曰鑲黃。曰鑲紅。曰鑲藍。曰鑲白。分左右翼。共爲八旗。置理刑聽訟大臣五人。佐者十人。以分治國事。凡有大訟獄。佐者十人審問。言之五大臣。五大臣覆審。言語貝勒。衆議既定。猶慮或有索抑。必令訟者跪帝前。更詳鞠之。故羣情皆得上達。

國內使民皆兼習兵農。刈穫既畢。則縱牧羣畜於山野。由是國富民殷。歸附者日衆。時海西四國已平其三。惟葉赫恃明之援。負固不服。努爾哈赤惡之。初明人之設海西衛也。分南北二關。以哈達爲南關。葉赫爲北關。哈達既滅。南關已失。所恃者惟北關。而北關偏處開原鐵嶺。尤爲邊疆之屏蔽。薊遼總督蹇達。亟上疏陳東方隱憂。不可不早爲之備。於是神宗乃屯重兵於開原。而以火器兵助葉赫防守。爲犄角之勢。葉赫既恃明之援。與滿洲抗衡。而明亦倚葉赫之強。爲遼東之保障。努爾哈赤乃聚諸貝勒謀曰。葉赫恃明之援。今若先圖葉赫。則明兵擣我之虛。不若大舉伐明。先挫明兵。然後再圖葉赫。諸貝勒曰善。遂於萬曆四十六年。興師伐明。臨行以七大恨告天。略曰。我祖父未損明一草一寸土。明邊吏輕信尼堪外蘭之言。無故啓衅。殺我祖父。一也。設碑勒誓。明不遵守。逞兵越界。衛助葉赫。二也。明以擅殺

葉赫
負固

制國
書旗
定制

大率
侵明
七大
恨告
天

此為試讀，需要完整PDF請訪問：www.extangbook.com

順撫

克清
河堡

楊鎬
出師

薩爾
之戰

爲詞拘我使臣。脅取我十人。抵罪邊境。三也。明助葉赫。致葉赫背約。以其許字滿洲之女。改適蒙古。四也。我滿洲累世所守疆土。耕田藝穀。明不許刈穫。遣兵驅逐。五也。葉赫隸盟召畔。明乃偏信其言。遺書詬詈。肆行慢侮。六也。哈達助葉赫。兩次來侵。旣被征服。又脅我復其國土。七也。遂進軍。圍撫順。降其守將李永芳。夷其城而還。是年秋。復進軍克清河堡。全遼大震。明起楊鎬爲經略。合朝鮮葉赫兵。共四十萬。以禦努爾哈赤之兵。

四 薩爾嶺之戰

萬曆四十七年春。明遼東經略楊鎬。集兵瀋陽。分四路出師。山海關總兵杜松出中路之左。由渾河入撫順關。廣甯道張銓監之。遼東總兵李如柏出中路之右。由清河入鴉鵲關。遼陽道閻鳴泰監之。開原總兵馬林出北路。由開原會葉赫兵。出三岔口。開原道潘宗顏監之。遼陽總兵劉綎出南路。會朝鮮兵入寬甸。海蓋道康應乾監之。而以遊擊崔一琦。別監朝鮮兵。合趨滿洲都城。號四十七萬。期以三月一日。會二道關並進。會大雪。兵不能前。師期洩。杜松欲立首功。先期渡渾河。連克三小砦。遂乘勝趨薩爾嶺谷口。以三萬衆屯薩爾嶺山。而自引兵二萬攻界藩。努爾哈赤方築界藩城。夫役萬五千。以精騎四百護之。聞松軍至。伏精騎谷口以待。俟松軍過。伏發。尾擊之。至界藩

杜松
敗死

馬林
遁走
李如
柏潰
散

劉綎
戰死

葉赫
平滅

渡口。以夫役千人相助返攻。而自率六旗兵直趨薩爾嶺山大營。甫戰。日未昃。忽大霾晦。咫尺不相辨。明兵列炬以戰。努爾哈赤自暗擊明。萬矢雨集。發無不中。而明兵由明擊暗。銃礮皆中樹林。遂乘晦拔柵踰塹。佔領薩爾嶺山。潰其軍三萬。松聞耗來援。山上兵據高馳下。與山下兵夾攻。衝松軍爲數隊。松中矢死。全軍盡覆。此中路左軍也。北路馬林兵出三岔口。聞松軍敗。結營自固。努爾哈赤乘高奮擊。林大敗。遁走開原。潘宗顏力戰死之。楊鎬聞耗立撤。止如柏劉綎兩軍。如柏至虎欄關。滿洲守兵二十人見之。登山鳴螺。作大軍追擊狀。如柏軍大潰。奔走相蹴。死者數千人。時劉綎已深入三百里。至深河。克三砦。不知松軍之覆沒也。整衆前進。登阿布達哩岡。會努爾哈赤兵。亦登岡出其上。而別以一軍趨綎西岡上。自高馳下。趨綎西者。復從旁夾擊。己乃張松旗幟。被其衣甲以給綎。綎軍大亂。力戰死。綎驍將也。既戰死。明師喪氣。康應乾及朝鮮兵營富察之野。努爾哈赤移師邀擊。大破之。應乾僅以數百騎免。一琦敗走朝鮮營。朝鮮帥懼。率衆降。一琦投崖死。時馬林走開原。努爾哈赤移師攻之。乘勝遂取開原鐵嶺。是年八月。努爾哈赤復進兵葉赫。葉赫不能支。遂被滅。自是明之南北兩關皆失。於是言語相同之國。悉歸於一。疆域西至遼。南至朝鮮。東際海。北抵黑龍江矣。

熊廷弼

袁應泰

招降蒙古

克遼二城

從都遼陽
從都遼陽

寧遠之役

五 遷都遼瀋

初楊鎬既敗。明廷逮鎬治罪。以熊廷弼代之。廷弼有文武才。善用兵。熟邊事。集大軍十八萬。分布諸要隘。倡固守之策。努爾哈赤以此按兵不進者年餘。天啓初。明臣忌廷弼者。爭劾其不戰。廷弼遂乞罷。以袁應泰代之。應泰改循吏。非治邊才。且不知兵。會蒙古大饑。諸部多入塞乞食。應泰奏請收撫。招降萬餘人。分處遼瀋兩城。優其廩食。與民雜居。欲倚爲助。而此降人。轉爲滿洲耳目。天命六年春。努爾哈赤率兵攻瀋陽。克之。總兵賀世賢戰死。三月攻遼陽。應泰集諸軍。分陣固守。滿洲兵冒礮火登城。據其一隅。城中遽大亂。應泰自焚死。城陷。蓋皆降人爲之也。努爾哈赤既克遼瀋二城。分兵四略。於是遼河以東之堡塞營驛。及海蓋金復諸州。大小七十餘城。以次俱下。遂由與京。徙都遼陽。明年渡遼河。進取廣寧。又連陷四十餘城。明兵退入山海關。遂由遼陽。遷都盛京。卽今之遼甯瀋陽縣也。越數年。努爾哈赤復率大兵攻寧遠。明巡撫袁崇煥守之。火器礮石齊下。不能克。努爾哈赤哈赤爲礮火所傷。乃嘆曰。朕自二十五歲。與兵征伐以來。戰無不勝。攻無不克。何此寧遠一城。竟不能下。豈非天耶。因不憚者累日。旋即病卒。其第八子皇太極嗣位。改元天聰。是爲太宗文皇帝。

【附記】清太祖努爾哈赤。雄武英毅。愛不猶人。有子十六人。又皆起爲武夫。奮勇善戰。每有征伐。與諸貝勒（即諸子。）適野而謀。畫地而議。上馬而傳令。令簡

而速。故事靡不舉。分部下爲八旗。每臨敵。七旗却走。一旗拒戰。卽以七旗佐領之。分給一旗。一旗却走。七旗拒戰者亦如之。民十餘萬戶。分處遼河東西。無事則耕獵。有事則徵調。戰勝則分俘而受賞。人自爲兵。兵自爲餉。故無養兵之費。而用靡不給。起兵二十年。而國基開。又十年而王業定。非無故也。

太宗文皇帝

名皇太極。太祖第八子。母孝慈高皇后葉赫貝勒楊吉努之女。初爲四貝勒。侍太祖征討。所向有功。既卽位。建元天聰。尋改崇德。

始定國號曰清。在位十七年。壽五十有二歲。

太宗
開國
方略

太宗既嗣位。雄武英毅。不讓太祖。其事業可紀者凡四。首征服東海諸部。次平定內蒙古。次征服朝鮮。再次則爲六次侵明之役。茲分別言之。

一 征服東海諸部

方太祖之併有扈倫也。同時復經略東海諸部。東海者。明之野人衛地也。其部凡三。皆在吉林寧古塔以東。東南濱日本海。有瓦爾喀者。當今烏蘇里江上流。至綏芬河以西。濱海一帶。皆其部落。與朝鮮咸鏡道相隣。太祖嘗屢攻之。收其地。降其人。又以瓦爾喀部衆。有流寓朝鮮者。請於明。明諭朝鮮。放還千餘戶。然猶未盡服也。迨太宗時。復分兵四路。各攜嚮道。造海船。次第收其濱海島丁。自是瓦爾喀部皆服。瓦爾喀西北。有庫爾喀者。佔虎爾哈河流域。太祖時。嘗遣額亦都。俘其札庫塔人。未幾其部長以百戶來歸。太祖善遇之。部衆踵至。至是。太宗復遣阿爾津等。征服其部落之居黑龍江下流者。俘其衆

征服
瓦爾
喀爾

征服
庫爾
喀

以歸。於是庫爾哈亦平。庫哈爾之東有渥集部。太祖時合額亦都征收其衆萬餘還。至是全部來歸。於是東海三部悉平。其餘諸小部。若諾羅路。若諾哲。若薩哈連路。若鄂倫春。皆先後歸附。而兵威所及。直抵海中庫頁島。於是自黑龍江以南。圖們江以北。濱海部落。及其附近大小羣島。盡入版圖矣。是時黑龍江上流北岸。至外興安嶺之麓。復有索倫部。其部長嘗入貢。太宗聞其俗善騎射。遣霸奇蘭率兵渡江。收其壯丁。厥後叛服無常。因遣穆什哈等征之。俘獲甚多。又調蒙古兵。平其餘衆。於是遼金以來。散居東北境之鮮卑部落。悉統於滿洲。

二 平定內蒙古

蒙古部族。大別爲四。曰內蒙古。曰外蒙古。曰厄魯特蒙古。曰青海蒙古。是也。內蒙古部落甚多。最著者有七。曰科爾沁。曰奈曼。曰敖漢。曰察哈爾。曰土默特。曰喀喇沁。曰鄂爾多斯。科爾沁。在今遼甯之北。黑龍江之南。爲內蒙東部。察哈爾。包有今熱河。察哈爾。綏遠。三特別區域。爲內蒙中部。而鄂爾多斯。則在內蒙西部。居河套中。所謂河套蒙古是也。此七部中。察哈爾最強。而科爾沁。初曾與扈倫諸部。九國聯軍。合攻滿洲。爲清太祖所敗。後震其兵威。與奈曼。敖漢諸部。相率降附。獨察哈爾不服。其酋林丹汗。尤雄桀。士馬強盛。嘗自稱爲統

林丹
汗之
崛強

太宗
初征
察哈
爾

多爾
袞再
征察
哈爾

內蒙
古平

領四十萬衆蒙古國王巴圖魯成吉斯汗而稱清太祖努爾哈赤爲水濱三萬衆滿洲國主貽書以夸之又自恃其兵力侵陵同族諸部破喀喇沁滅土默特東西馳逐所至掠奪諸部不堪其虐相率走避其北走者渡翰海依喀爾喀其東走者則依科爾沁林丹汗惡科爾沁之降附滿洲也悉師攻之科爾沁不能敵乞援滿洲同時明人方困守遼西歲賂林丹汗百餘萬爲屏蔽林丹汗因助明攻滿洲之遼東地時太祖已死太宗嗣位怒林丹汗之無禮侵擾也亦數遣師襲察哈爾邊境雖未大勝而林丹汗之威勢漸衰及天聰六年太宗率大軍征察哈爾會遼河漲盜軍士冒遼河晝夜行乘林丹汗不備踰內興安嶺千三百里至其庭林丹汗謀拒戰而所部俱解體遂徙其人畜十餘萬衆由歸化城渡河西奔沿途離散僅存十之二三及至青海之大草灘林丹汗忽病痘死其子額哲擁衆萬餘居河套外越明年太宗命睿親王多爾袞再率師西征以逼之額哲欲依河套中之鄂爾多斯而鄂爾多斯反懷其部衆千餘戶降於清於是額哲知不可抗乃率其衆奉傳國璽以降傳國璽者元主中原時所得也太宗以額哲爲元室嫡裔封爲親王內蒙古之大部遂平自元人北去其遺裔擾邊與明代相終始至是始平

三 征服朝鮮